

RUODA

Laikraštis žemaitišks Nr 1. Leidėnīs nāmuokams

Kas ī žemaitē – tauta a tik etnėnė gropė?

Jė gīveni Žemaitėjuo, šneki žemaitėškā, jė ēš šeta krašta kėlė tava tievā, jė če tava šaknis, ta kuokiuos tauībės mēslėji esōs – lietovis a vės gė žemaitis? Ėšgėrdė tuoki klausėma, mēslėjo, atsakītomiem skėrtingā. Nes vėni isitėkėnė, ka žemaitė – ta atskėra Lietovuos terėtuorėjuo gīvenontė tauta, kėtū sopratėmo, telšėškė, skūdėškė, plungėškė ē kėti gīvenontis arčiau jūras – tik etnėnė gropė, torontė sava tarmė ē kažkėk apibriežtus regijuona robežius. Diskosėju šėtuotuo temuo kėlst senė ē pastuovė. Bejė, nā vėn diskosėju, bet ē teismėniu ginču diel žemaitėškoma īr bovė – patrijuotėškā nusi-teikė žemaitė nā vėnus metus mīnė slėnkstius teismū, sėkdami iruodītė, ka tuokė žemaitiu tauta īr, ka torām sava kalba (nā tarmė) ē garbinga istuorėjė.

Nuoriedami ēšgėrstė keleta skėrtingu sovuoķėmu šėtuotuo temuo, pakalbėnuom tris vėsims žėnuomus žemaitius. Sava sopratėma nuorė ēšsakė

telšėškis, stėpriau-sės svietė barzduos gaspadorios ē Ginesa rekuordu laimietuos Degaitiu seniūns Kontrėms Ontans. Kėts mūsa pašnekuovs – lietoviu istuorėks, ēš Telšiū kėlės Vėlniaus universiteta puofesorios dr. Bumblausks Alfreds. Trets – Lietovuos ē Klaipiedas politėkasveikies, vėsūmenėninks klaipiedėškis Skarbalios Egi-dėjos Skarbalius.

Diel sava tauībės – keli metā pu teismus

Vėsor ē vėsūmet kartūnontis, ka ī žemaitis, žemaitiu tautuos atstuovs, Degaitiu seniūns O. Kontrėms pīš kelius metus intensīvė mīnė slėnkstius teismū. Tenās, iruodėnie-dams, ka žemaitė ī nā etnėnė gropė, vuo atskėra tauta, telšėškis gīnė sava idiejės ēr isitėkėnėmus. Pradė bova tuokė: tvarkīdamsis asabas (asmens) tapaībės



O. Kontrėms

dokumentus Telšiū rajuo-na savėvaldībės Civėlėnės metrikacėjės skīrie ons paprašė, ka būtom fėksūnama anuo tauībė – žemaitis. Tačiau anuo nuors nābova ivīkdīts, konstatūnont, ka tuokiuos tauībės irašitė nie galėmībiu, nes... anuos nie. Tumet, nutarės iruodītė, ka žemaitė tauta ē ka ons tor teisė oficėlė vadintės žemaitio, O. Kontrėms rīžuos kreiptės i teisiėtvarkas institocėjės. Ėškėni ons pateikė Telšiū rajuo-na apīlėnės teismū. Šėts nusprėndės, ka Civėlėnės metrikacėjės skīrė darbūtuojė, atsisakė fiksūtė žemaitė tauībė, bova teisi, ēškėni atmetė.

Nukelts i 2 psl.

Leidieja žuodis

Sveiki, žemaitė,
Nuoro pasveikintė vėsus žemaitius, solaukosius pėrmuojė žemaitėška laikraštė daugiau nē pu 20 metu partraukas. Paskiau, ka laikraštis žemaitiu kalbuo „A mon sakā?“ 1993 metās parsikeitė i žornala lietoviu kalbuo „Žemaičių žemė“, nāblėka juokė vėn žemaitiu kalbuo leidama perijuodėnė leidėnė. Tuodie pu 22 metu partraukas Jūs „teismū“ pateikams atgimstontė žemaitėška žuodė perijuodėkas leidėnīs.

Bova sosideliuojos vėsėškā nānuormalė padietis, ka atskėra tauta, katrā, skėrtingā vertėnont, priklausa nu posės milijuo-na lėg milijuo-na prieteliu, torontė sava kalba ē rašta, nātoriejė ni vėnuos žemaitėškas televėzėjės, ni vėna žemaitėškā bāsiruokūnontės radėjės ē ni vėna žemaitėškā rašontė laikraštė. Mēslėjo, atskėrū laidū a straipsniu, pasiruodontiu lietovėškā rašontiuo žėniasklaiduo, tėkrā nie gana, nuoront ēšlaikītė žemaitėškoma, jau nāruokūnont aple anuos stėprėnėma. Tuodie laikraštis „Ruoda“ megins užpėldītė

šėtō toštoma ē straipsnius so navīnuom rašis vėn tik žemaitiu kalbuo.

Dabā laikraštis nāmuokamā būs platėnams Telšiūs: 6 000 egzėmpliuoriu tiražo, 2 sīkio par mienesi. Stėngsāmuos, ka leidėnīs pasėktom truobas daugelė telšėškiu, ale, jė diel kažkuokiū pīžastīū laikraštis i Jūs nomus nāatkeliaus, Jūs vėsūmet galiesāt anō rastė alkievie www.ruoda.lt ē parsiūstė savė.

Ka laikraštis nāmuokams īr, ta praģivenėmu mums dėdlė svarbė Jūs parama. Jė leidėnīs Jums patėka, parėmtė mumis galāt siūsdami žėnotė numerio 1679 ēr irašė žuodi RUODA (žėnotės kaina – 30 euracėntu). Tāp pat užsisakėniedami paslaugas arba prekės ēš mūsa reklamas užsakuo-vu, Jūs tėsioogė remat laikrašti „Ruoda“ ē žemaitėška žuodi.

Tėkāmuos, ka „Ruoda“ Jums patėks ē laikraštis padies kuožnam taptė dėdlesnio Žemaitėjės patrėjuoto. Parfrazūdams Lietovuos krepšėnė rinktėnės šūki, kvėto ē Jus bėnt galvuo ēštartė: „Aš – ož ŽEMAITĖJĖ“.



Žuodīs

Aulīs, –ė – avėlis
Blūks, –a – kapuojėma ka-ladė, stuors pagalīs
Buogintė – neštė, gabentė
Čiožėns, –a – gīvatė
Daba, –as – būds, karakte-ris (lt. charakteris)

Diktė – nuorietė, truokštė
Drūkts, –a – stuors
Erts, –a – erdvos
Gašoms, –a – pūšnoms, gražoms
Geišis, –ė – plėns

„Ruodas“ laikračtiū rėkalinga Jūs parama. Siūskāt sms so irašito teksto ruoda 1398 ē parėmkāt žemaitėška žuodi. Sms kaina 0.29 Eur (1 Lt)

Atkelts iš 1 psl.

Bet žemaitis nąbūtom žemaitis, jė tųp jįmtom őr őrš karta ronkas nulėstom. Kuo jau kuo, vuo užsispirėma Ontanų őrš Degaičiu tik pavīdietė gal. Ons sava sėkiamas őrštėkams lėka lėg pabonguos – kuol bīla nagrėnietā Telšiūs, Šiaulių apīgardas, Lietovuos Aukščiausiam Teismė. Tačiau vėsor – nā anuo naudā. Vėsuos teisma instancėjuos priijimtė O. Kontrėmų nāpalonki verdėktā. Vuo tas rėšk, ka Lietovuo žemaičiu sava teisībės iruodītė nāpavīka.

Tačiau ę tas O. Kontrėma (rasiet diel tuo, ka ons – Kontrėms – kontrė asaba) nāparklopdė. Ons rīžuos žigių i Vakarus, tėksliau – i Strasbūrė isikūrosi Europas žmuogaus teisiu teisma. Pateikės anam sava őrškėni, žemaitis nātrokos gava džiogė žėnė, ka anuo prašims priijimts őr užregėstrūts, tačiau pu kelius metus trokosė laukėma őrš Strasbūra atkeliava kor kas liūdnesnė navīna, ka bīla nūtarė atšauktė. Vuo kųp dabā? Ar O. Kontrėms jau nulėda ronkas, vuo būktās aukštielninkā – ons kopėns rīžta kuovuotė tuoliau ę ni nāmėslėj palėstė sava „blai-vuosės (židruosės) paukštės“? Žemaitis saka sava sėkė tėkrā nāatsisakės īr ę nāplanūnontis tuo darītė. „Greitā ęso i Civėlėnės metrėkakėjės skīrio, keisūs asabas (asmens) tapařībės dokumėnta ę vielėk rėkalauso tuo patės, ka anamė būtom irařita tauřibė – žemaitis. Vuo jė nārařis? Jė nārařis, monės őr anū lauk tas pats teismū őr iruodėniejėmu maratuons. Nes ař užsispirės ę sėkontis tėksla“, – sakė Degaičiu seniūs.

Vira teigėmo, žemaitė īr atskėra tauta, ę tuo nieks nāgal paneigtė, tuo liodėninks – patėistuorėjė. Palė O. Kontrėma, gīvava žemaičiu konėgaikřtistė, katra toriejė sava konėgaikřčius, žemaitė toriejė apibriežta sava terituorėjė, kalba, papruotius. Ta vėskas liodie, ka bovuom őr esam atskėra tauta, nuors, kųp isitėkėnės telšėškis, daug kas dėdlė stėngas, megindami tō paneigtė.

„Daug kō bonduoma paneigtė. ę tas, ka žemaitė – tauta, őr aple tō tauta parařitu kningu teisingoma, ę žemielapiu tėkroma. Bet istuorėjė liodėj kō kėta. Jok Dorbės, Saulės ę kėtūs tuo čiesa mūřiūs kuovės vėn žemaitė, lietoviu tēn ni smuoka (kvapa) nābova. ę

Kas ī žemaitė – tauta a tik etnėnė gropė?

nāžėnuosi, kas mes tuokė būtomiem, kuokė būtom Žemaitėjė ę Lietova, jė nā mūsa pargalės mūřiūs. Vio Žemaitėjė bova jau tumet, ka dā ni Lietovuos nābova, kumet anuos žemės nābova sojungtas“, – isitėkėnės O. Kontrėms.

Palė O. Kontrėma, ons pas-tuovė gėrdontis valdžiuos tėkėnėmus, ka žemaičiu kalba nie draudama. „Bet ę nāskatėnama īr“, – saka telšėškis. Anuo sopratėmo, labā rėktom, ka muokikluos žemaitėskomū būtom skėrama daugiau diemesė, ka būtom keravuojama žemaičiu kalba, kultūra, papruotė. „Jė muokikluos vīktom bėnt jau žemaičiu kalbuos fakultatīvā, mėslėjo, jaunuojė karta ęřaughtom dėdlesnės Žemaitėjės patrijuotās, jaustūs tvėrtīau, vuo bluogiau nu tuo tėkrā niekam nābūtom“, – sakė O. Kontrėms.

Bejė, ons pats už žemaitėškoma keravuojėma pagīrėma īr dėdelė diekū nusipelnės. Mat Degaičiu seniūnėjuo pri kuožna kaimoka ožūlėnė robežė žėnklā so žemaitėškās vėtuovardīu pavadėnėmās pastařiti īr. O. Kontrėms džiaugas ę tū, ka žemaitėškā parařita „Telšė“, „Varnė“. „No, va užrařė žemaitėškā, ę nieks diel tuo nānūmėrė, vėsi tik džiaugas, palaika“, – mėslėj žemaitis.

Žemaitė tor vėsus atskėrā tautā būdingus aspektus

Tū isitėkėnės kėts gar-sos žemaitis E. Skarbalios. Tvėrtindams, ka žemaitė ī būtėnt tauta, šėts politėks ę vėsūmenėninks saka: „Tauta laikuoma tauta, jė tor savo kalba, terituorėjė, kultūra, istuorėjė, tradėcėjės, bėndra problematėka. Pasakīkāt, katras aspekts mums nie būdings, katruo nātorām? Ař isitėkėnės, ka torām vėskō. Jok žemaičiu kalba dā ę tarmės tor, pri-pažinta, juog sanskrita kalba panařesnė i žemaičiu nē i lietoviu bėndrėnė. Vuo kor dā unikalė mūsa kultūra, tradėcėjės, katruos tonkė geruokā skėras nu lietoviu“, – kalbiejė E. Skarbalios.

Palė šėta žemaiti pu On-truojė pasaulėnė kara daug kas Europuo pradiejė bėjuotė žuodė nacėjė. „Kųp tik dabā bėngo rařitė disertacėjė, katruos tema – tautė-

nė tapatoma ogdims. Šėtō rėkala ęřmanau, ta galo teigtė, ka mes sopainiuojam, i vėna soplakam kelis nuognė svarbius dalikus, katrus kalbont aple tauta rėktom atskėrtė“, – isitėkėnės klaipiedėškis. Pasak anuo, kuožnos őrš mūsa torām etnėnė tapařibė, naciounalėnė tapařibė ę pėlieřibė. Patė svarbiausiojė, palė E. Skarbalio, īr etnėnė tapařibė, nes ana prigimtėnė, gauta par krauji ę muotėnas pėna, be tuo, ana nāpasirėnkama – esi tas, kas esi. Naciounalėnė mūsa tapařibė prīrėřta pri terėtuorėjės, katruo gīvenam, anō őrš dalės mes jau galām rinktės. No, vuo pėlieřibė

īr ta mūsa tapařibės dalės, katrō reglamėntūn istařimā. „Sakīkam, ęřvažiūn kuoks žemaitis i Onglėjė. Etnėnė anuo tapařibė bet katrū atvejo ęřlėks nākintontė – ana ęřlėks žemaitis. Naciounalėnė anuo tapařibė – lietovis, ale pastaruojė par laika gal kėstė, nes gīvendams tarp onglu lietovis gal pradietė tapatintės so anās. Vuo pėlieřibė ons gal gautė, jė tik atėtėks tam tėkras istařimėnės nuormas“, – aiřkėna E. Skarbalios, katras tam, ka atrastom tū trėjū tapařibiū skėrtomus, paskīrė pėnkis sava darba metus.

Klaipiedėškis saka sotinkontis daug žmuoniū, katrė nāžėna, kas tuokė īr, nes tievā – skėrtingu tauřibiū. Pasak E. Skarbalė, vėn tas, ka prietelis sovuok, ka tor do prado (lt. du pradus), jau daug. Vuo kas ons tuoks ęř tėkrūju, ęřsigrīnins par laikā, tō ons pajos savaimė. „Jok őr i Vėnta sotek daug opelioku, vuo diel tuo ana žemaičiu nātomp mažiau švėnta“, – jūkava pašnekuovs.

E. Skarbalios smagė pajūkavo ę kėta tema. „Vuo žėnuot, kudie Lietova tųp skobiejė isivistė eura. Tudiė, ka sosivuokė, juog ont vėsū naciounalėnės valiutas kupiūru – žemaitė. ęřskīros

Basanavičiu Juona ę Kudir-ka Vinca. Vadėnas, lietovė toriejė tik 50 ę 500 lėtu“ – šmaikřtava ons. Tųp rasient bėnt muonetas bova lietoviu? Palė žemaiti, diel muonetu tųp pat kėlst daug



E. Skarbalios

abejuoniū. Jok anū reversė – Vitis ont žėrga. Vuo Vitis, kųp svarstuoma, ta konėgaikřtis Vitauts, katras – žemaičiu žemės valdžiosė Kėstotė ę nu jūras kėlosės Bėrotės sūnos. Vadėnas, lig ę žemaitėška kraujė. Be tuo, istuorėjės řaltėniūs mėnavuo, ka Vitauts bova žems, vuo ont žėrga ons atruodė gana proporcingā, ta perřas ęřvada, ka konėgaikřtis juojė ont... žemaitoka. Tuokė tat E. Skarbalė pamėslėjėmā pėningū tema.

Kalbiedams aple žemaičiu istuorėjė, klaipiedėškis vardėjė Žemaitėjės konėgaikřčius: Vīkinta, Alg-mėna, Treniuota, laimiejosijs Dorbės, Skūda ę kėtus mūřiūs, katrūs lietoviu nābova. Vuo konėgaikřti Mindauga ons vadėna ęřdavėko, nes karaliaus karūna ęř vuokītiū gava mainās i žemaičius. „Mindauga karūnavėma dėna ī patė jūdžiausė žemaitiams, nes tōdėn Mindaugs anus parda-vė. Vuo nānuoriedami atėtektė vuokītems, anė toriejė kėltė i mūři, katrō laimiejė. Asmenėškā ař Mindaugėniu nikumet nāřvėnto“, – diestė klaipiedėškis.

Grīždams pri etnėnės tapařibės klausėma, E. Skarbalios apgailestava, ka jaunuojė karta tuolst nu sava řaknū, ka sosilėj so

lietovės, europietės. „Nie-ka nie bluogiau nē prarastė sava tapařibė, nābžėnuotė, kas tuoks esi. Nes žmuogos bā tapařibės – ta medis bā řakū, vėrtės paprasčiausio stolpo. Jok mūsa žemaitėška prigimtis – gražiausė, kō torām, ta torām stėngtės anō pardūtė ę jaunėmū, ka řis nābėjuotom pasakītė, ka īr ęř Skūda, Telšiū, Plun-gės a Kretingas. Vuo tuo-kiū bėjončiu ę nābkalbontīu žemaitėškā īr daug“, – ruokava E. Skarbalios.

Tuokė daikta kųp žemaičiu tauta nie

Teismūs, katrūs O. Kontrėms iruodėniejė, ka žemaičiu tauta bova őr īr, pruo-fesuosios A. Bumblausks stuoviejė prīřinguo „barikadu“ posie, tvėrtindams, ka tuokiuos tautuos nie bovė ę nie. „I tō teisma puosiedi bovau kvėtams nā kųp eksperts, vuo kųp liodītuos. Nes pas

momis ekspertā apklausami tik baudžiamuosiuos bīluos, civėlėnies anė nie numařitė. Ta ę liodėjau, ka tuokė daik-ta kųp žemaičiu tauta nie“, – sakė pruo-fesuosios. Palė garsi istuorėka, mo-okslos nie sorinkės faktū, ka žemaičiu tauta bova ar īr, bet tas žemaitems tėkrā nātrokda iruodītė sava teisībė ę pasėktė sava tėks-la. „Jė tik tor iruodīmu, anė nāstuokuo energėjės, tego jimas žigiū, tego nādūd ramībės teismams Lieto-vuo ę Strasbūrė, ę vėsā gal būtė, ka anė sava pasėks. Jok tųp tautas ę gimst. Bet ař tuokės atvejės vėsūmet klauso – a tē žīgė, ener-gėjės sānaudas būs kam nuors naudingi“, – kalbiejė A. Bumblausks. Pruofesuo-rė maņīmo, daug kō nuveiktė gal ę nāiruodīos, ka žemaitė īr atskėra tauta.

Gal sėktė, ka muokikluos atsirastom pamuokas a bėnt jau fakultatīvā, būrelė, katrūs vākā būtom muokuomi žemaitėškā, ka bibliote-kas vīkdītom žemaitėškoma keravūnontius pruojektus ę panařė. „Būtėnt tas torie-tom būtė mūsa prioritets, i tō, vuo nā i teismus őr iruo-dėniejėmus torietomiem nu-kreiptė sava darba őr ener-gėjė“, – isitėkėnės telšėškis muokslėninks.

Nukelts i 3 psl.

Kas ī žemaitē – tauta a tik etnēnē gropē?

Atkelts ēš 2 psl.

Kas ta Žemaitējē? Palē A. Bumblauska, Šēlotē ē Žemaitiu Naumiestis nu Žemaitējēs jau atsirēbuo, anē sakuos esontis Mažuojē Lietova, šiaulēškē žemaitēs savēs tāp pat nābvadēn. Ta kēk tuos Žemaitējēs bālēkt, nuors istuorēškā ana sēkē Kiedainius, Raseinius, bet dabā šēta robežē jau tēkrā nābnubrieši. „Tāp, Žemaitiu konēgaikštistē gīvava ē toriejē gana dēdelē sava terētuorējē, bet so dabartēnēs žemaitēs „dounēninkās“ ta terētuorējē nātoriejē nieka bēndra. Žemaitiu konēgaikštistēs čiesās tēn, kor Telšē, Plungē, bova tēkrā nā žemaitiu, vuo koršiu žemēs. Tumet Žemaitējē bova kētor, vuo tuokiū dalīku nārēktom painiuotē“, – mēslēj istuorēks.

Palē proufesorio, ī daugībē galēmībiu reikštēs

žemaitēškomū, anō keravuotē ē skleistē. Ētamtēkrānābūtēnā mintē teismū slēnks-
tius, īptingā ka iruoditē tuo, kuo nābova, kas muokslēškā nāpatvērtinta, sunkē. „Aš siūlau žemaitems būtē nā duokomēntūs, vuo gīvenēmē. Tam proupagavēmū, manau, poikē tink savēvalda, kaima bēndruomenēs, kultūras istaigas. Truopnēs žemaitēs gal būtē ē bā ontspaudu pasūs ē bā nubriežtū robežiu. Ta Lietova ē tāp mažitē – par tris adinas (lt. valandas) parvažiūnama, ta kuo če dā torām pīšintēs, skalditēs i tautas. Geriau vėnikāmuos“, – raģna proufesorios.

Bejē, A. Bumblausks sakē gal pasidžiaugtē Telšēs, katrē tāp gražē žemaitēš-



A. Bumblausks

koma proupagūn: ē miesta rēbuožēnkliis žemaitēšks, ē nūruoda, ka če Žemaitējēs suostēnē, īr, ē pačiam miestē daug aple Žemaitējēs istuorējē bīlūnontiu paminklu, užrašū ē kėtuokiū žēnklu atsiradē, ē paminkla Dorbēs mūšiū nuor statītē. „Ta kū dā nā žemaitē, kuo dā rēk? No, nābēnt sokeltē triokšma, pasiruoditē?“, – klaus A. Bumblausks.

Iduomautēs

Ēšrasts pītaisos, galontis atpažintē nāžemēška gīvībēs skvarma

Gīvībēs žēnklu ēškuojēms kėtuos planetuos īr dēdlē sodietings uždavēnīs. Paprastā ons remas kemēnēs (chemēnēs) analēzēs būdās – ēškuoma skīsta vondēns, kāp vēnuos, mūsa sopratēmo, būtēnuos sālīgas gīvībē, degūnēs, metana doju, organēniu molekoliu. Bet tāp pat pripažīst, ka kētor gīvībē gal būtē soriedīta vėsēškā kėtās bioluogēnēs princēpās, vuo būktās net ē vēsā nā bioluogēnēs.

Vēs dieltuo īr vēns puožimis, katras torietom būtē bēndros bet kuokē gīvībē – jodiejēms. Jod vēsas, nes ē patēs mažiausēs gīvībēs skvarmas (lt. Formos), tuokēs kāp bakterējēs, ē nā vėn anuos patēs, bet ē medegas anuos.

Louzanas (Lausanne, Šveicarējē) politeknēkas instētota muokslēninkā pasiulē pītaisa, katras galiptom identifēkūtē gīvībē tuokio būdo. Tas īr dēdlē jautros ē tū patio paprasts jodesē detektuorios, katruo veikēms parēmts mekanēnēs svērtēs veikēma princēpo.

Muokslēninkā siekmingā ēšmegēna sava sēste-

ma aptēkdami bakterējēs, mēliu muolekolēs, viežēnēs lōstelēs (lt. Ląsteles). Anē net ēšfirē, ar egzēstūn gīvībē jūdžemē megēnie, katras bova pajimts pri anū labuoratuorējēs ē šalēp tekontēs opēs vonēnie. Vēsās atvejēs pavīka nustaītē gīvū lōsteliu sokeltas vēbracējēs. Dezinfekavos svērti, jodesē sēgnalā ēšninkst.

Tas, ka tuokē gīvībēs aptēkēma sistemā nārēk juokiū kemēniu rēgentu (lt. Reagentų), īr dēdelis pri valoms – ana gal būtē nau-duojama bet katruo vētuo: ē lēguonēnēs operacēnie, ē nāžemēškas gīvībēs paēškuoms.

Dā vēns, truopnē praktēšks šēta metuoda pnauduojēma būds – vaistu veikēma firēmā. Svērtiu mašīvs gal būtē padēngts bakterējuom arba viežē lōsteliem ē paveikts tēramās vaistās – ēš tuo, a lōstelēs arba bakterējēs lēka gīvas, gal sprēstē aple vaistū veiksmingoma ē net anū veikēma greiti.

Tuoks būds būtom žimē greitiesnis nē daugelis kėtū, nauduojamu farmacējēs īmuonies, ēškont antibjuotėku a vaaistū nu viežē.

Vēns žemaitēšks darbs

Karto so Lietovuos atgēmēmo pakēla ē žemaitēška plunksna: raduos naujēs eilēs, laikraštē, kningas. Ka kuožnos nārašitom bikāp – bova parašitē patarēmā. Tekstā patapa panašesnē ē vēnuo sēstemuo. Šēts mažos darboks parašits palē tō sēstema so hipotetēnēs pakeitēmās, katrē galiptom būtē sprēndēmo „ilā“ ēšlindosē ēš maiša, so katro nuoriečiūo sopažindintē.

Šindēnēnis žemaitēšks rašts īr gers kuol rašā vēns pats. Žemaitē nie tuokē jau

mondrē, ka pradietom keltē lerma diel prietelē rašta ēš Plungēs ē kēta ēš Varniū. Kumet veizi i darbokus atskērā, ta būn gražē paskaitītē ē pasēdžiaugtē kap taiklē vēns a kēts ruodavuojas sava tarmie. Ale pamegink anūdo sosuodintē pri vēna stala ē parašitē kō...

A mes torām tuokiū darbū, katrūs rēktom rašitē bēndrā?..

Tikūs, ka mėsliu sokieliu ē pu krētėkas teiksāties dērbtē vēna darba.

Pėgės sauskelnės ēš Nuorvegėjės 868459213

Mozėkontā Vakara vediejė jūsa švėntė – Gruojam veselies, gimtadėniūs, firmu vakarieliūs. 864629193

Dailėninks nupaišīs ēš puortėgrapėjės puortreta karėkatūra šarža. Padarīkāt artėmīsims siurprėza 8 672 96881

Vertėmo paslaugas ēš onglu vuokītīū proncūzu rosu švedu danu nuorvegu ē kėtū kalbū. 8 646 29189

Vizas i Rosėjē ē Baltarėsėjē (Godėjē). 8 646 29193

Žemaitėška atrėbutėka. Vieliavas, marškėnelė, pakabokā, šratėnokā. Duovenū kopuonā atrėbotėkā. Pardūdami stėbā ēr atlėktami stėbū muontavėma darbā 864629204

Kompiuteriu taisims. Pruogramu dėgėms, virusu šalėnėms. Dūmenū atkūrėms 867296881

Skėrību paslaugas torta padalėjėms alimentu priteisėms tievīstės nustatīms paneigėms 864629204



Anekduotā

Ruoda mobilio telepuono:
– Labs, mīlāsis. Kō veiki?
– Luovuo golo, užmėgtē megēno... Kō to?
– Vuo aš siedo barē. Tavē už nogaras. Veizo kāp to, šunsnokē, dairās i muotrēškas ē nikāp nāgali užmėgtē...

Ruokūnas dvē draugē:
– Aš ta ož tuokē kāp tava vīrs nāsižančiūo nikumet...
– Uoi, tik nārēk pasakuotē, jok pavīdi. Mēslēji, ka nāgrāžos?
– Nē, mēslējo, ka žiuoplos.
– Kudie?
– Nes ēšsirinka tavēm.

Do pėjuoko dalīvaun pagrabē drauga. Vēns saka:
– To tik paveiziek, Petros geriau ož vedom ēšruoda!
– Vuo kuo če dīvītēs (lt. Stebėtis)? Ons jau tris dēnas nābger.

– Doktorē, a tēkrā tāp kēnksmingā īr ēšgertē čierkėkē pīš jiedmeni (lt. Valgi)?
– No, daug kas priklausa ē nu tuo, kāp tonkē tamsta jiedat...

Keliū policėninks sostabda mašėna:

– A tomsta matiet greitē rēbuojēma žēnkla?
– Tāp, matiau, ale pamēslėjau, ka ons skērts brėdems.
– Kuokīms dā brėdems?
– Tīms, katrēbovanupaišitē pīš tō esontiam žēnklē.


Žmuogos trauk ēš bara vėsus alkoguolėnius gierėmus ē kraun i taši. Žmuona nusidīvėjos klaus:
– Ruobertā, kam vedom tēk? Gē vedo tik dvēm dēnom i suoda ēšvažiūnav.
– Nē, Ramotē, ta nā mes dvēm dēnuom I suoda ēšvažiūnav, vuo vedom sūnos dvēm dēnom vēns nomūs lėkt...

Nauduojamas raidės ē kelės nuormintas taisiklės (pamēslėjėmū):
1. lt. „duona“ → „dūna“, gal skaitītē „ou/ū“, bet atskērē žuodē so „u/ū“, pvz.: tumet, Jūzaps, kamulis.
2. lt. „diena“ → „dėna“, gal skaitītē „ėi/ī“, bet atskērē žuodē so „i/ī“, pvz.: lītos, nikumet.
3. Prišdelis lt. „ne-, be-, te-“ → „nā-, bā-, tā-“, gal skaitītē „e/a“. Tāp pat ē kėtuos vētuos gal būtē, kor žemaitē ēšsėskēr so „e/a“, pvz.: torām, tāp, skaitikāt.
4. lt. „svečių, medžių“ → „svečiū, medīu“ (če Ŧė ē Ďđ), bet ne pīš „e/ė, i/ī“, pvz.: svetē, medē.
5. lt. šaknėnius „a, e“ → „ō, ē (ē so brokšnioko)“, gal skaitītē „ou/on/ō“ ēr „ėi/en/ė“.

Pardūdams 1 kombarė bota Latvėjūo, Lėpuojūo (400 m. nuo kopu, 33 kv.m.). 6000 Eur (20 716 Lt). 8 684 59213.

Pardūdams 1 kombarė bota Latvėjūo, Vėntspėlie (33 kv.m.). 11 000 Eur (37 980 Lt). 8 684 59213.

Siūluom darba užsėnie.
8 646 29204.



Vėsas kėrpiejės manikiorėstės paslaugas. Priaugėnam blakstėnas. 864629193.



Kėtū baldū gamība. Individuali užsakīmā. Atvažiūnam ėšmierūnam somontūnam. 8 646 29193.

RUODA CV slost: info@ruoda.lt

redakcėjė papėlduomam darbū
rėkalings(-a) žornalėsts(-ė)
Rėkalavėmā:
muokiejėms taisėklingā rasyt
duomiejėmāsis žemaitėjės gīvenėmo
Gal būtė Studėnts(-ė)



**Odontoluogs taisa ė plombūn
zūbus. Ded apvalkalus.
Atlėkt bornuos higienā.
Būtėns ėšonkstėnis
regėstravėms.
8 646 29204**

**Doju
baliuonā.
Pristatīms i
nomus
864629204**

Vala ė
skardėn čiokorus
(kamėnus).
Montūn čiokoru
(kamėnū) dieklus.
868429189

**Skalbīkliu
šaldītovu
indapluoviu ė
kėtuos
buitėnės
teknėkas
taisīms
8 672 96881**



**Brongė perkam
mėška
8 646 29193**



**Pjovenū
Briketā
ė medienas
granolės.
864629204**

**Pėgės Malkas.
8 684 59213**



**Statuom
truobas
lėg raktu
867296881**

**Restaurūnam
vuonės
klijentu nomūs.
Soteikām darbū
garantėjė.
8 672 96881**

**Tapėtavėma
(abiečavėma)
darbā
864629193**

**Itėmpamas
lobas.
Montavėms
868459213**

**Vėsas valīma
paslaugas.
Tvarkuom nomus
botus kontuoras.
Generalėnė valīmā
8646 29189**



**Sonteknėka
paslaugas
8646 29189**



**Nauduotas autodetalės
ėš autolaužina
8 684 29189**



**Pardūdo
maistėnės
bolbės.
Atvež.
8 684 29189**

Erdvius teurorėjės, vaizdėniū prīmuoniū ė kompiuteriu klasies
bė gerā soriedītūs vairavėma muokīma aikšteliu
muokuom „B“ kateguorėjės šiuoperius.
Eisma taisīkliu muokīmū nauduojam pastuovė atnaujėnamas
kompiuterėnės pruograsas, parėngtas VĮ „Regitra“
teurorėjės egzamėnū nauduojamu pruogramu pagrindo.
Muokīma kaina nā aukštėsnė nē kėtuos
miesta vairavėma muokīklus.
Tel 868429189

**Baldėniū
guobelėnu
ė sprandžėnu
keitėms.
Kėtū baldū
restauravėms.
8 684 29189**

Kluojam lamėnata.
Dažuom sėnas.
Klėjūnam plītėlės.
Atlėktam kėtus
statības darbus.
868429204

**Meistros i nomus.
Smolki darbā
864629204**



**Savėvartė
paslaugas.
Vežam žvīra
Skalda jūdžemi.
8 646 29189**



**Draudam automuobėlius
civilėnės atsakuomībės
draudėmu
Kasko
Svėkatas draudėms.
Gīvībės draudėma
paslaugas.
868459213**



Kemėnis automuobėliu
valīms
864629193

**Vėsas NT paslaugas
perkam
pardūdmd
nūmuojam.
Juokiū ipareigūnontīu sotartīū.
868459213**



Skuolū ėšėškuojėms
skundu ėėkėniū ė
kėtū
teisėniū
dokumėtu
rėngėms
868429189

**Varėkliu
taisīms ė
diagnuostėka
867296881**

Važiuklės taisīms
864629193

Auto elektrėks
868429204

Nauduotas autodetalės
ėš auto aužina 864629193

Bankā muok jūkingas palūkanas?

**I ♥
LIEPAJA**

Gauk 7% metėnė grōža!
Pardūdams 1 kombarė bota Latvėjūo
Lėpuojūo renovūtam nomė 200 metru
nu jūras so pasirašīta
ėlgalaikė nūmas sotartėm.
Metėnė grōža ėš nūmas 7% Kaina
18000 Euro/62150LT

Tel. nr. 868459213

**Kruovėniū
parvežėms
Telšiūs ė
Lietovu.
Parkraustima
paslaugas.
8 646 29193**



KASDĖN nu Doru lėg Doru keleivius ė
siuntas vežam ėš ėr i Onglėjė, Vuokītėjė,
Uolandėjė, Belgėjė, Proncūzėjė, Ispanėjė,
Danėjė, Nuorvegėjė. Kuožna dėna (net lėg 20
reisu par dėna). Keleivius ė siuntas.
Važiūnam KASDĖN (7 dėnas par savaitė
(nedielė)). 8 646 29204

